



Pifò moun kap peye lajan yo nan Sekirite Sosyal ap travay pou yon patwon. Patwon yo fè dediksyon taks Sekirite Sosyal la nan chèk peman yo, bay menm kantite lajan taks la pou travayè a, voye taks yo nan Internal Revenue Service (IRS), epi voye rapò sou salè yo nan Sekirite Sosyal. Men travayè endepandan yo dwe rapòtè kantite lajan y ap touche epi yo dwe peye taks yo dirèkteman ba IRS.

Ou se yon travayè endepandan si w ap fè komès, biznis oswa si w ap fonksyone ak metye ou, swa poukont ou oswa kòm yon asosye. W ap rapòtè lajan ou touche ba Sekirite Sosyal lè w ap fè deklarasyon federal revni ou. Si lajan oun touche apre dediksyon taks se \$400 oswa plis nan yon ane, ou dwe rapòtè lajan ou touche sou Pwogram SE anplis lòt fòm taks ou dwe ranpli.

## Peman taks Sekirite Sosyal ak Medicare

Tó enpozisyon Sekirite Sosyal pou ane 2005 la se 15.3 pouasan sou revni travay endepandan ki piti oswa egal a \$90,000. Si lajan ou touche apre dediksyon taks pi plis pase \$90,000, w ap kontinye peye sèlman pòsyon Medicare taks Sekirite Sosyal la. Pòsyon sa a se 2.9 pouasan ki aplike sou rès kantite lajan ou touche a.

Gen de (2) kalite dediksyon taks sou revni ki diminye taks ou.

Premyèman, lajan ou touche nan travay endepandan ou diminye taks Sekirite Sosyal ou a mwatye. Sa sanble avèk fason yo trete travayè yo daprè lwa sou enpo, paske patisipasyon patwon an nan taks Sekirite Sosyal la pa konsidere tankou salè travayè a.

Dezyèmman, ou kapab fè dediksyon mwatye taks Sekirite Sosyal ou sou Fòm 1040 IRS la. Men dediksyon an dwe fêt nan revni brit (revni anvan dediksyon taks) pou detèmine revni bri ajiste ou. Li pa kapab yon dediksyon detaye epitou li pa dwe nan lis sou Fòm Schedule C w la.

Si w ap touche salè pandan ou se yon travayè endepandan tou, se taks sou salè ou k ap peye anvan. Men règ sa a enpòtan sèlman si kantite total lajan w ap touche pi plis pase \$90,000. Pa egzanp, si w te touche \$20,000 kòm salè ak \$30,000 nan revni travay endepandan ou pou ane 2004, w ap peye taks Sekirite Sosyal ki apwopriye sou salè ou ak revni ou travay endepandan ou. Men tou, an 2005, si salè ou touche se \$70,000 epi ou reyalize \$25,000 nan revni apre taks

nan biznis ou, ou p ap peye de (2) taks Sekirite Sosyal sou revni ki plis pase \$90,000. Patwon ou ap retire 7.65 pouasan nan taks Sekirite Sosyal ak Medicare sou revni \$70,000 la. Ou dwe peye 15.3 pouasan nan taks Sekirite Sosyal ak Medicare sou premye \$20,000 nan revni travay endepandan ou ak 2.9 pouasan nan taks Medicare sou \$5,000 ki rete nan lajan ou touche yo.

## Kredi sou Travay

Ou bezwen travay epi peye taks Sekirite Sosyal pandan yon sèten peryòd tan pou w ka jwenn benefis Sekirite Sosyal yo. Kantite tan ou bezwen travay la depann de dat ou fêt, men pa gen okenn moun ki bezwen plis pase 10 zan travay (40 kredi).

An 2005, si lajan ou touche apre taks se \$3,680 oswa plis, ou reyalize maksimòm anyèl pou kat (4) kredi–yon kredi pou chak revni \$920 pandan ane a. Si lajan ou touche apre taks pi piti pase \$3,680, ou toujou kapab reyalize kredi lè w itilize metòd ochwa ki dekri annapre nan fèy enfòmasyon sa a.

Tout lajan ou touche ki garanti nan Sekirite Sosyal itilize pou kalkile benefis Sekirite Sosyal ou. Kidon, li enpòtan pou w rapòtè tout lajan ou touche jiska kantite maksimòm nan, selon egzijans lalwa.

## Kalkil Revni Nè ou (apre dediksyon taks yo)

Pou Sekirite Sosyal, revni nè se revni brit (revni anvan taks) ou reyalize nan komès oswa nan biznis ou, mwens dediksyon ak depresyasyon ki pèmèt sou biznis.

Kèk revni pa konte pou Sekirite Sosyal epi revni sa yo pa dwe antre nan kalkil revni nè ou.

- Dividann ou reyalize nan pati aksyon ou oswa enterè ou reyalize nan obligasyon, sof si w resevwa yo kòm yon negosyan sou fòm aksyon ak tit;
- Enterè ou reyalize nan prè, sof si biznis ou se prete moun lajan;
- Lajan lokasyon ou touche nan byen imobilye, sof si w se yon negosyan byen imobilye oswa ou ofri sèvis regilyèman pou avantaj moun ki nan byen imobilye a; oswa
- Revni ou resevwa nan yon sosyete limite;

(lòt bò a)

Si W Se Yon Travayè Endepandan

## Metòd Ochwa

Si revni nè w ap touche pi piti pase \$400, revni ou toujou kapab konte pou Sekirite Sosyal anba yon metòd rapò ochwa. Metòd ochwa a kapab itilize si revni brit ou se \$600 oswa plis, oswa lè pwofi ou pi piti pase \$1,600.

Ou kapab itilize metòd ochwa a sèlman senk (5) fwa nan lavi ou. Revni nè w ap touche a dwe \$400 oswa plis nan omwen de (2) nan dènye twa (3) ane yo, epitou revni nè ou dwe mwens pase de tyè (2/3) revni brit ou.

Men ki jan li fonksyone:

- Si revni brit ou ou reyalize nan travay endepandan ou ant \$600 ak \$2,400, ou kapab rapòt de tyè (2/3) revni brit ou oswa revni nè w ap touche a; oswa
- Si revni brit ou se \$2,400 (oswa plis) epi revni nè w ap touche se \$1,600 (oswa mwens), ou kapab rapòt swa \$1,600 oswa revni nè w ap touche a.

Nòt espesyal pou kiltivatè yo: Si w se yon kiltivatè, ou kapab itilize metòd rapò ochwa a chak ane. Li pa nesesè pou w te gen yon revni nè omwen \$400 nan ane anvan an. Nou ankouraje w rele nou pou w mande piblikasyon an, *A Guide For Farmers, Growers And Crew Leaders* (Publication No. 05-10025, *Gid Sekirite Sosyal Pou Kiltivate, Agrikilte, Epi Chef Ekip*). Piblikasyon sa-a disponib sèlman nan lang Angle.

## Fason pou Rapòt Revni ou

Ou dwe ranpli fòm taks federal swivan yo jouk a 15 avril apre nenpòt ane ou touche revni nè \$400 oswa plis:

- Fòm 1040 (*U.S. Individual Income Tax Return—Deklarasyon Enpo Endividye Etazini*);
- Fòm Schedule C (*Profit or Loss from Business—Pwofi oswa Pèt nan Biznis*) Fòm Schedule F (*Profit or Loss from Farming—Pwofi oswa Pèt nan Agrikilti*) jan sa nesesè; epi
- Fòm Schedule SE (*Self-Employment Tax—Taks Travay Endepandan*)

Ou kapab jwenn fòm sa yo nan IRS ak nan pifò bank ak biwo postal yo. Voye deklarasyon enpo ak barèm enpozisyon ou ansanm ak taks travay endepandan ou nan IRS pa lapòs.

Menm si w pa dwe okenn enpo sou revni, ou dwe ranpli Fòm 1040 lan ak Schedule SE pou peye taks Sekirite Sosyal travay endepandan ou. Sa a se vre men si ou deja jwenn benefis Sekirite Sosyal ou.

## Aranjman pou Biznis Fanmi

Manm fanmi yo kapab opere yon biznis ansanm. Pa egzanp, yon mouche ak yon madanm kapab asosye oswa alatèt yon antrepriz miks. Si w ap opere yon biznis ansanm kòm asosye, nou chak ta dwe rapòt pati pwofi nou reyalize kòm revni nèt sou rannman travay endepandan ou apa (Schedule SE), menm si nou ranpli ansanm yon fòm deklarasyon revni. Se asosye yo ki dwe deside kantite revni nèt yo chak ta dwe rapòt (pa egzanp 50 poustan ak 50 poustan).

## Kontakte Sekirite Sosyal

Pou plis enfòmasyon ak pou jwenn kopi piblikasyon nou yo, vizite wèbsayt nou nan [www.socialsecurity.gov](http://www.socialsecurity.gov) oswa rele nan nimewo telefòn gratis **1-800-772-1213** (pou malantandan oswa pou moun ki tande di, rele nan nimewo TTY nou, **1-800-325-0778**). Nou ka reponn kesyon espesifik epi ba ou enfòmasyon nan sèvis telefòn otomatik 24 èdtan pa jou.

**Si w bezwen yon entèprèt** pou regle afè sekirite sosyal ou, n ap fè w jwenn youn gratis. Sèvis entèprèt yo disponib ni pou lè w ap pale avèk nou nan telefòn ni pou lè w vini nan biwo Sekirite Sosyal. Rele nan nimewo telefòn gratis nou **1-800-772-1213**. Si w pale yon lang ki pa Angle, peze 1 epi rete sou liy lan pou jouk lè yon reprezantan reponn. N ap kontakte yon entèprèt pou ede w. Si afè w la pa ka regle nèt nan telefòn, n ap pran yon randevou pou ou nan yon biwo lokal Sekirite Sosyal epi n ap aranje nou pou yon entèprèt (lang) la nan moman vizit ou a.

Yon reprezantan Sekirite Sosyal ka di ou ki benefis ki ka peye epi li ka pran yon randevou, si sa nesesè, pou ranpli yon fòm reklamasyon. Nou trete tout apèl yo avèk konfidansyalite. Nou Vle asire tou ou resevwa sèvis egzat ak koutwa. Sepou rezon sa a nou genyen yon dezyèm reprezantan Sekirite Sosyal pou kontwole kèk apèl telefonik.

